

**Lvdovici Molinæ, E Societate Iesv Theologiæ Doctoris, &
Professoris, Commentaria, In primam D. Thomæ partem**

Molina, Luis de

Lugduni, 1622

De opere quartæ diei, de productione videlicet solis, lunæ & stellarum.
disput. 15.

[urn:nbn:de:hbz:466:1-73915](#)

Exod. Magister historia scholastica in historia lib. A Genef. Beda in lib. de ratione temporum capite 140. & in lib. de augmentis luna, Strabon & Rabanus in caput duodecimum Exodi, Caietanus in primum cap. Genef. & alij cum quibus, vt Lyranus ad caput primum Genef. refert, nonnulli ex Hebreis consentiunt, censent, mundum conditum fuisse in æquinoctio verno sole in principio arietis existente: aut certè quartam diem à condito mundo fuisse æquinoctium vernum, ita vt sol, qui quarta die fuit fabricatus, productus fuerit in principio arietis, indeque moueri cœperit per Zodiacum ab occidente in orientem motu sibi proprio. Quæ sane sententia nobis est amplectenda. Primo, quoniam, ut disputatione 7. ostendimus. In prima rerum constitutione, præsertim quoad productionem primæ lucis, solisque, qui quarta die illi succedit, rationem habuit Deus regionis Palæstinæ, ob rationes, quas eo loco reddidimus: sed præcipua anni pars comparatione regionis Palæstina corumque omnium, qui inter tropicum cancri & circulum arcticum habitant, est à verno æquinoctio, sole existente in principio arietis, vsque ad æquinoctium autunnale, quod tempus vt Aristoteles 2. de generatione cap. 10. ait, generationibus rerum perfectarum inferi: cùm tamē in reliqua anni parte eadem res corrumpantur: ab æquinoctio etiam verno incipiunt flores, frondes, & fructus, pulchritudine huius mundi, ac vigor viuentium omnium in eisdem regionibus: cum tamen ab æquinoctio autunnali incipiunt res marcescere, frondes & fructus decidere, nitorque ac pulchritudo agri perire: cùm ergo Dicū perfecta sint opera, credendum est produxisse mundum in inicio præcipua partis anni comparatione Palæstinæ sole existente in principio arietis, atque adeò in æquinoctio verno.

Secundò, quoniam ab æquinoctio verno incipiunt maiores & iucundiores dies carundem regionum respectu: contra verò ab æquinoctio autunnali breuiores & tristiores, qui à noctibus superantur: non est autem ratione consentaneum, vt Deus hoc tempus, ad id minus aptum, quā illud aliud, ad mundi constitutionem eligeret.

Tertiò, quoniam sicut Deus mensē Martium tamquam omnium accommodatissimum elegit, vt filios Israël de terra Ægypti educeret, vt carne in utero virginis assumeret, vt morte sua sacratissima mundum redimeret, glorioſaque sua resurrectione illum exhilararet: sic etiam eum videtur elegisse, vt in eo mūdum edificaret, præsertim cùm ob duas rationes præcedentes, ratio id efflagitaret.

His accedit, in synodo Palæstina de mandato Victoris Papæ congregata à Theophylo Cæfariensi Episcopo, consenū omnium, pronuntiatum esse mundum in æquinoctio verno fuisse conditum. Eius Concilij meminit Beda in 1. libro de sex aetatibus mundi, & fuis in epistola de Paschatis celebratione.

Argumentū contrariae opinionis solutionis solvit.

Ad argumentum contrariae opinionis dicendum est, creditu esse difficultatum, Deum produxisse plantas cum omnibus suis fructibus maturis, tamē produixerit magnitudinis perfectæ. Quorum namque in cibum duorum tantum hominum, qui paulò post erant condendi, produxisset Deus, non dicam omnes orbis plantas, sed nec solius Paradisi cum omnibus suis fructibus maturis; præsertim cùm ad huius mundi decorum, ad idque quod postulabat ipsarummet rerum natura, quas

condebat, atque ad eorumdemmet hominum in posterum sustentationem, longè plus inserviret, vt quādam produceret solis floribus vestitas, quādam foliis virentes, & alias fructibus ontafas, patim immaturis, partim tendentibus ad maturitatem, partim iam maturis, prout natura cuiusque spectata qualitate & temperie regionis postularer, & forē Paradisi regio talis, tamque temperata erat, vt in mense Martio natura plurium planitarum polularer vt fructus in eis essentiam maturi. Neque absurdum reputo, Deum in prima rerum constitutione, supra id quod eorum natura postulabat, produxisse in aliquibus plantis fructus aliquos maturos, floribus, aut alijs fructibus viridis adhuc permixtos, ad vniuersi pulchritudinem, animaliumque sustentationem. Quo loco obserua aures contrariae opinionis longè plura supra rerum naturas debere concedere. Si enim ad planitarum naturas attendas, inuenies plurimas earum amittere fructus ante mensē Septembrem: fruges etiam ante Septembrem, vt plurimum maturerunt. Quare, si Deus plantas omnes cum suis fructibus maturis mense Septembri produxisset, sane multas earum longè aliter produxisset, ac naturae carum in eo mense postulant. Addo, fruges mareras aridas esse, nec viuere, nec eum decorum habere, quem, dum virent, habent: quare producere non sunt maturæ. Id quod dicitur de supputatione anni apud Hebreos etiam à nouilium autumnali æquinoctio proximiō, dicendum est cum Burgenfi Exod. 12. fuisse, quodad Iubilæi annum attinet, quando terra reuertebantur ad primitos dominos; oportebat enim, vt annus ad eum effectum finiretur collectis fructibus, & messe iam facta, annusque sequens statim inciperet, vt agri in antiquorum dominorum potestate iam positi coli possent. Contrafutus etiam, & tunc celebrantur, & hodie multis in regionibus ita celebrantur, vt mense Septembri exitum, finisque suum fortiantur, & soluantur pretia: eò quod tunc homines collectis fructibus potentiores sunt ad soluendum. Alij dicunt, filios Israël, dum in Ægypto erant, computasse annos ab æquinoctio autumnali, non quod eo tempore fuisse mundus conditus, vel quod Patres eorum, antequā terram Ægypti ingredierentur, eo modo annos computassent, sed quod id erat apud Ægyptios in more positum, retinuisseque mōrem illum quod res prophanas, computandū que Iubilæi annum propter rationem paulò ante reddidit.

Quod ad diem attinet, in qua Deus mundum condidit: disputatione 1. ostendimus fuisse dicere Dominicam, in qua etiam Christus Dominus à dom. Co. mortuis surrexit. Vrūmque præter ea que dicitur, disputatione 1. attulimus, habet hymnus ille D. Gregorij, qui in horis matutinis dicit Dominicæ canitur.

*Primo dierum omnium,
Quo mundus extat conditus,
Vel quo resurgens conditor
Nos viita morte liberat.*

D I S P U T A T I O X V .

*De opere quartæ diei, de productione videlicat
solis, lune, & stellarum.*

*D*iscoptera terra, & productis plantis die tercia, ad quarum conseruationem breui illo tem-

Luminarium productio sur die quart

porelux prima die producta erat sufficiens, quarta A die producit naturae opifex Deus cœli luminaria, à quorum influentia, & motu, animalium vita phis quam plantarum penderit. Distulit verò luminariorum productionem in diem quartam, idque Moy- si, vt exprimeret, inspiravit, fortè ne homines primam plantarum productionem luminaribus tribuerent: & vt aniam eis idola colendi, existimandique solem esse primam rerum causam & principium, auferret: id quod Israëlitico præseruit populo, idolatriæ dedito, fuerat non leuiter extimescendum.

Quorumdā epistola.

Sunt qui affirment, solem & cætera altra stârim à principio producta fuisse cum luce quam modò habent: quarta autem die accepisse solum virtutes varias influendi in hæc inferiora, atque quoad id diutinxat dici facta quartæ die. Hæc opinio non placet. Primo, quoniam ea data, dicendum est, tenebras super faciem abyssi non præcessisse productionem lucis, nec verè fuisse à principio productionis mundi. Dicendum etiam est, firmamentum non fuisse productum secunda die, quoad suam substantiam, sed statim à principio, que, vt in superioribus ostendimus, cum Scriptura Genes. 1. pugnat. Secundo, quoniam id non esset lumina ria producta esse quartæ die, vt luceant super terram, & sint in signa, & tempora: quod tamēn affirmat Scriptura, dum tradit opus quartæ diei: sed esset collatam illis esse virtutem influendi, quod sanè est quipiam longè diuersum. Quod fit, vt hæc opinio contorqueat Scripturam, non solum in narratione operum primæ & secundæ diei, sed etiam quartæ. Tertiò, quia virtutes, quibus astra influunt in hæc inferiora, sunt illis naturales, profluuntque ab ipsorum naturis: quare miraculum sanè fuisset, altra ante quartam diem fuisse producita, nec tamēn habuisse ante eam diem vires, quas modò habent ad influendum in hæc inferiora: cùm ergo miracula affirmanda non sint sine necessitate, & præseruit contra id, quod planus contextus Scriptura sonat, dicendum proculdubio erit, astra omnia quo ad suam substantiam producta fuisse quartæ die.

Astra an eiusdem specie cum orbibus quibus sunt afferma

Alterum duorum dicendum est, iuxta duas sententias, quæ de naturis astrorum sunt. Quidam arbitrantur, astra eiusdem esse naturæ & speciei cum orbibus, quibus insunt, nec esse aliud, quam partes deasiores eorumdem orbium: non secus ac nodi in tabulis eiusdem speciei sunt cum cæteris ipsarum partibus, solum ab illis differentes, quod sint densiores. Atque hanc affirmant esse causam, ob quam astra luceant, radiisque vsque ad terram effundant: alia verò partes orbium non item. Sicut enim, inquit, ignis propter raritatem magnam, quam in sua sphæra habet, in ea non lucet, si vero in ea densaretur, non minus ibi luceret, quam flamma lucernæ, & quam ignitæ impressiones, quæ in ære interdum generantur, lucentis erant dicunt, partes alias orbium ob sui raritatem non lucerent: astra vero, quia sunt partes densiores, in quibus est materia multiplicata, splendescere, & radios ad terram usque emittere.

Iuxta hanc sententiam dicendum est, totam quidem substantiam astrorum productam fuisse secundæ die, quando producendum fuit firmamentum: F at vero astra secundum esse astrorum ac luminariorum quartæ die. Cū enim astrum seu luminare cœli non aliud sit, iuxta hanc sententiam, quæ pars cœli adeo densa, vt radium possit ad nos emittere,

Molina in D.Thomam.

vel quia illum habet à se, vel quia acceptum à solo reflectit ad nos, sanè Deus iuxta eamdem sententiam, quartæ die rarefaciendo partes alias cœli, & ab illis auferendo materiam formam cœli informatam, & multiplicando ac condensando eam in partibus, quæ nunc sunt astra, eadem produxit secundum esse astrorum ac luminariorum, nullam producendo de nouo formam, aut partem formæ substantialis, vel materiae corruptendo, vel in nihilum redigendo, sed solum rarefaciendo quædam partes, & condensando alias.

Hoc eodem modo, si innovatio celorum in die Iudei*lunæ* futura non est quoad substantiam, sed solum quoad accidentia, multiplicando materiam, & condensando solem, vel ex materia aliarum partium orbis, quas Deus amplius rarefaciet, vel producendo de nouo nouas partes materiae & formæ cœli, quibus substantia solis magis condensetur, efficiet Deus, vt sol luceat septempliciter, at nunc luceat, vt Isaías 30. cap. Deum effecturum affirmat. Inde verò sequitur, lunam lucere quantum sol modò luceat, quod futurum etiam à die iudicij testatur ibidem Isaías. Cū enim luna à sole lucem recipiat, sanè multiplicita luce in sole septempliciter, recipiet luna septuplum lucis quam modò accipiat: eo quod, si cætera paria sint, qualis est proportio causæ ad causam, talis sit effectus ad effectum: id verò erit satis, vt luna luceat tunc, quantum sol modò luceat: aut certè, si quid aliud ad id exigitur, Deus id præstabit, multiplicando materiam lunæ, lunamque condensando. Nec absurdum reputo Deū in die iudicij producere de nouo partes alias substantias solis, entiā incompleta, quibus hoc universum perficiatur, talèque reddatur, quale beatum status post diem iudicij postulat. Tunc enim longè erit pulchrius, quam sit modò, vt vel ea ratione oculi beatorum magis recreetur maioriisque latitia perfundantur. Collocabit verò tunc Deus solem ex una parte in uno hemisphærio, & lunam ex alia in alio, in ea oppositione ac situ, vt ab eis integer orbis illuminetur, sicutque in eo toto semipiternus quidam dies nesciens noctem. Credendum verò est, fore tunc solē in hoc nostro hemisphærio, in quo & synagoga, & caput Ecclesie Christianæ fuit, in quod præterea descendet Christus cū Angelis, & beatis omnibus ad extremum iudicium celebrandum.

Alij arbitrantur astra omnia distincta esse specie ab orbibus, in quibus resident. Quæ sententia minime longè est probabilius. Primo, quoniam cæteræ cœlestium orbū partes non videntur esse lucidae suapte naturæ: cū enim adeo densa sint ut à nobis videantur, certè si lucidae essent, appareret earum lux, à nobisque conspiceretur: sol vero lucidus est suapte naturæ, idemque, vt 2. de celo capite 7. questione 1. dicebamus, probabilissimum est de cæteris astris (luna excepta) si namque à sole lumen reciperent, utique cerneretur in eis incrementum, & decrementum luminis, prout plus, aut minus à sole recederent, non secus ac cernitur in luna, quod tamen est contra experientiam: quare cū lucidum suapte naturæ specie differat à re suapte naturæ non lucida, profecto probabile valde est, astra species distinguiri à reliquis orbium cœlestium partibus.

Secundò, quoniam vis ad influendum non videtur esse in aliis orbium partibus, sed solum in aliis, vt luna est, quæ fluxum & refluxum maris efficit, non vero alia orbis lunaris partes: & sol

M m m 2 est₂

Sol ubi con- ficitur post di-
dicij.

Astra specie
distinguiri. à
suis orbibus
longè est pro-
babilius.

DISPUTATIO XVI.

Explanatio contextus in quo opus quartae diei traditur.

A est, qui adeò mirabiliter in sublunaria influit, nō verò alia quarti orbis partes: & denique cetera astra sunt, qua orbem inferiorem quasi regunt: quare cum naturalis illa vis ad influendum sit in aliis, & non in aliis orbium partibus, sanè probabilissimum est, formas quoque substantiales astrorum, à quibus ea vis proficiscitur, distinguas esse specie à formis orbium, quibus insunt: neque enim in diuersis partibus orbium cœlestiū diuersæ sunt cōexiones, ut sunt in diuersis partibus corporum mixtorum, à quibus dicamus virtutem illam prouenire in una parte, & non in alia, vt dicere possumus de partibus mixtorum, quæ mundum incolunt inferiorem.

Astra octauæ sphæræ. nō opus est ut inter se omnia specie differant.

Data hac sententia dicendum quidem est: singulas stellas octauæ sphæræ distinguui specie à partibus eiusdem orbis, qua non sunt stellæ: non tamē esse necesse singulas stellas distinguui inter se specie, sed que stellæ habuerint eundem modum influendi, eis poterunt eiusdem speciei: qua verò habuerint modum diuersum distinguuntur specie: esse autem illis diuersum influendi modum, testantur varij effectus siccitatis, humiditatis, caliditatis, frigiditatis, &c. qui sole & aliis planetis existentibus sub aliis & aliis stellis octauæ sphæræ, in his inferioribus efficiuntur.

Astra qualiter quartæ die producuntur.

Iuxta eamdem sententiam dicendum est, Deum quarta die ex materia ipsorummet cœlorum produxisse astra, quoad ipsorum substantiam, idque generatione supernaturali, quem dicebamus supra fuisse illam, qua secunda die ex quis cœlos produxit, expellendo nimirum à partibus quibusdam cœlorum partiales formas substantiales multiplicandoq; ibi materiam per rarefactionem aliarum, atque in eam inducendo formas astrorum.

Sol & luna in quibus si gnis producuntur.

Iuxta ea autem, qua disputatione præcedente ostendimus, solem produxit in principio arietis: lunam verò produxit videtur in signo opposito, in principio videlicet libra, ita scilicet, ut tunc esset plenilunium solque unum integrum hemisphaerium illuminaret, & luna alterum.

Orbes infra empyreum quomodo quarta die inter se diuisi.

Non est improbable, Deum hac ipso die diuisisse singulos orbes integros planetarum in partes, ex quibus constant, videlicet in eccentricos orbes, concentricos, & Epicyclos, qui ad varios eiusdem planetarum motus inseruiunt, vt ea ratione plantæ melius in hæc inferiora influant, meliusque à corporibus cœlestibus inferiora gubernentur.

Qualiter futura soli & luna in nouatio iisque orbium cœlestium.

Quod si in die iudicij corpora cœlestia etiam quoad substantiam innouanda sunt, vt disputat, & consonantius Scripturis sacris indicavimus, Deus ex his cœlis, qui modò sunt, generatione substantiali supernaturali producit nouos cœlos à præcedentibus specie distinctos, in eisque producer solem, qui septupliciter plus luceat, quam qui modò est, & lunam, quamque luceat ac sol modò luceat. Quod si corporum cœlestium innouatio non sit omnino futura quoad substantiam, saltem (iuxta hanc posteriorem sententiam) multiplicabit Deus lumen solis multiplicando in sole materiam, modo supra explicato, inducendoque in ea nouas partes formæ solis per partialiæ ad generationem substantialem, à quibus partibus formæ solis, vñ cum aliis que anteā erant, emanabit septuplum lucis, quam modò emanet. Quod si in luna etiam materiam multiplicet, vt tantum tunc luceat, quantum luceat modò sol, in materiam, quam in luna multiplicabit: nouas etiam partes formæ lunæ induceret.

Fiant luminaria in firmamento cœli, & dividant noctem diem ac noctem. Hoc, & sequentia officia tribuit luminaribus non quod singula omnibus, aut pluribus conueniant: dividere namque diem ac noctem solum conuenient soli, qui sua præsentia diem efficit, & absentia noctem: sed quod omnia officia collectiū sunt, luminaribus collectiū etiam sunt, conuenient: hoc verò primum munus conuenit ratione solis dumtaxat, alia autem ratione plurimum, aut omnium luminarium.

Sunt in signo zodiaci, exponit quidam, nec non in signo, quod peractus fit dies, mensis lunaris, annus solaris, peractis videlicet, tum revolutionibus solis & lunæ ad motum primi mobilis, tum etiam propriis ipsorum ab Occidente in Orientem. Aut in signa pluvia, serenitatis, ventorum, atque aliorum, qua ex aliis, eorum motibus, & aspectibus conici possunt. Commodius dicitur in signo his omnibus modis simul, & quibuscumque aliis, quibus signa esse possunt. Et tempora, veris, aestatis, autuni, & hibernis. Tota namque hæc temporum varietas ex motu solis per circulum zodiacum ortum habet. Aliæ etiam varietates temporum, siccitatis, humiditatis, frigiditatis, procellos, salubris, morbi, pestilentis, &c. ex astris omnibus, corūmque motibus & aspectibus efficiuntur.

Dies: naturales, artificiales, festos, communes, & criticos, quales sunt quos medici in morbis computant, & considerant.

Anno: lunares, solares, &c. Reliqua luminarum munera, quæ subiunguntur, expositione non intenduntur.

Fecit Deus duo luminaria magna: noctis aspectum. Licet enim sol in se lumine quoddam magnum sit, luna tamen minor est, quam terra, proindeque longè maiora, quam luna, sunt singula astra octauæ sphæræ, quæ visu notantur: quippe cum tota terra comparatione octauæ sphæræ instar puncti indistincti reputetur: quare luna comparatione astrorum octauæ sphæræ non est lumine magnum in se, sed solum iuxta aspectum nostrum.

Luminare maius ut præset diei: illuminando scilicet, dum est dies, tuncque potissimum influendo in hæc inferiora: & luminare minus ut præset noctis: id est, ut illuminaret de nocte. Tunc etiam potissimum illius influentia, nempe humectare, habet vim de die namque impeditur à calore solis. Hæc, quæ de sole & luna dicta sunt, significare voluit regius Propheta illis verbis psal. 135. Solem in potestatem diei: lumen & stellas in potestatem noctis.

Et posuit eas Deus in firmamento cœli: hoc non ad solas stellas, sed etiam ad solem & lunam est referendum. Intelligendum vero est, posuisse eas in firmamento, non quasi produxerit eas extra firmamentum, indeque eas collocauerit in firmamento, sed quod producendo eas in firmamento imbi eis collocauit. Munia luminarium, quæ subiunguntur ad collectionem eorumdem referenda sunt: dividere verò lucem ac tenebras, solum ratione solis eis conuenit: est enim illud idem munus, quod supra appellavit diuidere diem ac noctem.

**

DISPV